



ԳՆՈՒՄՆԵՐԻ ԲՈՂՈՔԱՐԿՄԱՆ ԽՈՐՀՈՒՐԴ

ք. Երևան

02.05.2017թ

Ո Ր Ո Շ ՈՒ Մ

ՀՀ գնումների բողոքարկման խորհրդի

ՍՑ-ԳԲԽ-29/17

ՀՀ գնումների բողոքարկման խորհրդի (այսուհետ նաև՝ Խորհուրդ) ՍՑ-ԳԲԽ-29/17 բողոքը քննող հանձնաժողովը՝ գործելով Խորհրդի անունից և ուսումնասիրելով ՀՀ ֆինանսների նախարարության 20.04.2017թ. թիվ 03/73-1/6957-17 գրությամբ ներկայացված «Կոպի սերվիս» ՍՊԸ-ին (ՀՎՀՀ՝ 00036786) գնումների գործընթացին մասնակցելու իրավունք չունեցող մասնակիցների ցուցակում ներառելու պաշտոնական ընթացակարգով նախաձեռնած բողոքը (այսուհետ նաև՝ ՍՑ-ԳԲԽ-29/17 բողոք), ՀՀ ֆինանսների նախարարության 02.12.2016թ. թիվ 03/73-1/26856-16 գրությունը, ՀՀ պաշտպանության նախարարության 29.11.2016թ. թիվ ԴՎԱ/3736 գրությունը և կից փաստաթղթերը, «Կոպի սերվիս» ՍՊԸ-ի 09.02.2017թ. «Գնումների աջակցման կենտրոն» ՊՈԱԿ-ին (այսուհետ՝ Կենտրոն) ուղղված գրությունը, «ԳԱԿ-ՇՀԱՊՁԲ-15/8-ՀՀՊՆՆՏԱԴ-ՇՀԱՊՁԲ-8/7» ծածկագրով գնման ընթացակարգի հրավերը (այսուհետ նաև՝ Հրավեր), պարզեց.

1. ՀՀ ֆինանսների նախարարության ներկայացրած պահանջը

ՀՀ ֆինանսների նախարարությունը, ՀՀ պաշտպանության նախարարության 29.11.2016թ. թիվ ԴՎԱ/3736 գրության հիման վրա, 02.12.2016թ. թիվ 03/73-1/26856-16

գրությամբ դիմել է «Գնումների աջակցման կենտրոն» ՊՈԱԿ-ին (այսուհետ նաև՝ Կենտրոն)՝ խնդրելով ուսումնասիրել «Կոպի Սերվիս» ՍՊԸ-ին (այսուհետ նաև՝ Ընկերություն) գնումների գործընթացին մասնակցելու իրավունք չունեցող մասնակիցների ցուցակում (այսուհետ՝ Ցուցակ) ներառելու հիմքերը և այդպիսի հիմքերի առկայության դեպքում ձեռնարկել անհրաժեշտ միջոցներ Ընկերությանը Ցուցակում ներառելու համար:

ՀՀ պաշտպանության նախարարությունը 29.11.2016թ. թիվ ԴՎԱ/3736 գրությամբ ներկայացրել է «ԳԱԿ-ՇՀԱՊՁԲ-15/8-ՀՀՊՆՆՏԱԴ-ՇՀԱՊՁԲ-8/7» ծածկագրով գնման ընթացակարգին (այսուհետ նաև՝ Ընթացակարգ) վերաբերող փաստաթղթերի պատճենները:

«Գնումների աջակցման կենտրոն» ՊՈԱԿ-ը (այսուհետ՝ Կենտրոն) 13.02.2017թ. թիվ 01/04.1/441-17 գրությամբ ՀՀ ֆինանսների նախարարության 02.12.2016թ. թիվ 03/73-1/26856-16 գրության հիման վրա «Գնումների աջակցման կենտրոն» ՊՈԱԿ-ում կատարված ուսումնասիրության արդյունքում ներկայացրել է եզրակացություն, որով Կենտրոնն արձանագրել է, որ «Կոպի Սերվիս» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու հիմքեր առկա չեն:

Սակայն, ՀՀ ֆինանսների նախարարությունը, ղեկավարվելով Կարգի 124-րդ կետով, 20.04.2017թ. թիվ 03/73-1/6957-17 գրությամբ հանձնարարել է Կենտրոնին նախաձեռնել «Կոպի սերվիս» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու պաշտոնական ընթացակարգ:

2. «Կոպի սերվիս» ՍՊԸ-ի ներկայացրած փաստարկները և դիրքորոշումը

Ընկերությունը 09.02.2017թ. գրությամբ հայտնել է, որ համաձայն չէ ՊՆ ՆՏԴ-ի գրության հետ: Ընկերության կարծիքով «ԳԱԿ-ՇՀԱՊՁԲ-15/8-ՀՀՊՆՆՏԱԴ-ՇՀԱՊՁԲ-8/7» ծածկագրով գնման ընթացակարգի 13-րդ չափաբաժնով ներկայացված սարքը հանդիսանում է մրցակից (համարժեք) մրցույթով պահանջվող սարքի նկարագրած բնութագրին: Մասնավորապես, Ընկերության կողմից առաջարկվել է «էջի ելքը մինչև 8 վրկ.», իսկ հրավերով պահանջվել է «էջի ելքը 7,5 վրկ.»:

Վերը նշված օրինակը հաշվի առնելով, Ընկերությունը գտնում է, որ մինչև 8 վրկ-ը չի հակասում պահանջված 7,5 վրկ-ին և նշված վերլուծությունից ուղղակիորեն երևում է, որ ՊՆ-ի կողմից արձանագրված անհամապատասխանությունը գոյություն չունի:

3. ՀՀ պաշտպանության նախարարության ներկայացրած փաստարկները և դիրքորոշումը

ՀՀ պաշտպանության նախարարությունը 29.11.2016թ. թիվ ԴՎԱ/3736 գրությամբ ներկայացրել է «ԳԱԿ-ՇՀԱՊՁԲ-15/8-ՀՀՊՆՆՏԱԴ-ՇՀԱՊՁԲ-8/7» ծածկագրով գնման ընթացակարգին վերաբերող փաստաթղթերի պատճենները:

4. ՍՑ-ԳԲԽ-29/17 պաշտոնական ընթացակարգով նախաձեռնված բողոքի քննության համար էական նշանակություն ունեցող փաստերը

ՀՀ ֆինանսների նախարարության 20.04.2017թ. թիվ 03/73-1/6957-17 գրությամբ ներկայացված «Կոպի սերվիս» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու պաշտոնական ընթացակարգով նախաձեռնած բողոքի քննության համար էական նշանակություն ունեն հետևյալ փաստերը՝

1. «Կոպի Սերվիս» ՍՊԸ-ն ՀՀ պաշտպանության նախարարության (այսուհետ նաև՝ Պատվիրատու) կարիքների համար կազմակերպված «ԳԱԿ-ՇՀԱՊՁԲ-15/8-ՀՀՊՆՆՏԱԴ-ՇՀԱՊՁԲ-8/7» (պատճենահաանման սարքավորումներ, օժանդակ նյութեր և պարագաներ) ծածկագրով շրջանակային համաձայնագրերի միջոցով գնման ընթացակարգին 20.10.2016թ. հայտ է ներկայացրել և գնահատող հանձնաժողովի կողմից ընթացակարգի 13-րդ չափաբաժնի մասով ճանաչվել 1-ին տեղ զբաղեցնող մասնակից:

2. Պատվիրատուի կողմից «ԳԱԿ-ՇՀԱՊՁԲ-15/8-ՀՀՊՆՆՏԱԴ-ՇՀԱՊՁԲ-8/7» ծածկագրով ընթացակարգի 13-րդ չափաբաժնով սահմանվել է հետևյալ տեխնիկական բնութագիրը. «Տպիչ սարք, բազմաֆունկցիոնալ, /տպիչ, պատճեն, սկան/- լազերային, տպման արագությունը 18 էջ /րոպե, թղթի ձևաչափը A3/: Մեկամսյա ռեսուրսը մինչև 15000 էջ: Առաջին էջի ելքը 7,5 վ: Պատճենահանող մեքենան պետք է ունենա Smart drum unit (առագ

,օգտվողի ուժերով փոխարինվող թմբուկի հանգույց): Պատճենահանման լուծաչափը (խտությունը) 600*600 dpi: Պահանջվում է առվազն մեկ տարվա երաշխիքային ժամկետ»:

3. «Կոպի Սերվիս» ՍՊԸ-ի կողմից «ԳԱԿ-ՇՀԱՊՁԲ-15/8-ՀՀՊՆՆՏԱԴ-ՇՀԱՊՁԲ-8/7» ծածկագրով ընթացակարգի N 13 չափաբաժնով առաջարկվել է հետևյալ տեխնիկական բնութագիրը՝ «Տպիչ սարք, բազմաֆունկցիոնալ, /տպիչ,պատճեն,սկան/ - լազերային, տպման արագությունը 18 էջ /րոպե, թղթի ձևաչափը A3/: Մեկամսյա ռեսուրսը 11000 էջ: **Առաջին էջի ելքը մինչև 8վ**: Smart drum unit (առագ ,օգտվողի ուժերով փոխարինվող թմբուկի հանգույց): Պատճենահանման լուծաչափը (խտությունը) 600*600 dpi: Մեկ տարվա երաշխիքային ժամկետ:

4. Ընթացակարգի գնահատող հանձնաժողովի 18.11.2016թ. նիստի N 5 արձանագրության 1.2 կետի համաձայն՝ «ԳԱԿ-ՇՀԱՊՁԲ-15/8-ՀՀՊՆՆՏԱԴ-ՇՀԱՊՁԲ-8/7» ծածկագրով շրջանակային համաձայնագրերով ընթացակարգի հրավերով պահանջվող որակավորման պահանջներին Ընկերության կողմից 13-րդ չափաբաժնի մասով առաջարկվող ապրանքի տեխնիկական բնութագրում առկա է անհամապատասխանություն, մասնավորապես՝ մասնակցի կողմից ներկայացված ապրանքի տեխնիկական բնութագրով առաջարկվել էր «Տպիչ սարք, բազմաֆունկցիոնալ, /տպիչ,պատճեն,սկան/» ապրանքատեսակի, որի տեխնիկական բնութագրերում նշված է **«Առաջին էջի ելքը մինչև 8 վ», այնինչ հրավերով պահանջվում էր «Առաջին էջի ելքը 7,5 վ»**: Հիմք ընդունելով ՀՀ կառավարության 10.02.2011թ. 168-Ն որոշմամբ հաստատված «Գնումների գործընթացի կազմակերպման» կարգի 51-րդ կետը՝ հանձնաժողովը որոշել է կասեցնել նիստը և մասնակցին առաջարկել շտկել վերը նշված անհամապատասխանությունը:

5. Ընկերությունը սահմանված ժամկետում ներկայացրել է նախկինում ներկայացված տեխնիկական բնութագիրը և արտադրող գործարանի գրությունը, որից հետո հանձնաժողովը, հիմք ընդունելով մասնագիտական եզրակացությունը, որոշել է մերժել մասնակցի հայտը՝ հրավերով նախատեսված տեխնիկական բնութագրին ոչ համարժեք լինելու հիմքով, մասնավորապես՝ տպիչ սարք, բազմաֆունկցիոնալ, /տպիչ, պատճեն, սկան/» ապրանքատեսակը, որի տեխնիկական բնութագրերում նշված է **«Առաջին էջի ելքը մինչև 8 վ», իսկ հրավերի տեխնիկական բնութագրով պահանջվել է «Առաջին էջի ելքը 7,5վ»**:

6. ՀՀ ֆինանսների նախարարությունը, ՀՀ պաշտպանության նախարարության 29.11.2016թ. թիվ ԴՎԱ/3736 գրության հիման վրա, 02.12.2016թ. թիվ 03/73-1/26856-16

գրությամբ դիմել է «Գնումների աջակցման կենտրոն» ՊՈԱԿ-ին (այսուհետ նաև՝ Կենտրոն)՝ խնդրելով ուսումնասիրել «Կոպի Սերվիս» ՍՊԸ-ին (այսուհետ նաև՝ Ընկերություն) գնումների գործընթացին մասնակցելու իրավունք չունեցող մասնակիցների ցուցակում (այսուհետ՝ Ցուցակ) ներառելու հիմքերը և այդպիսի հիմքերի առկայության դեպքում ձեռնարկել անհրաժեշտ միջոցներ Ընկերությանը Ցուցակում ներառելու համար:

7. Կենտրոնը 13.02.2017թ. թիվ 01/04.1/441-17 գրությամբ ՀՀ ֆինանսների նախարարության 02.12.2016թ. թիվ 03/73-1/26856-16 գրության հիման վրա «Գնումների աջակցման կենտրոն» ՊՈԱԿ-ում կատարված ուսումնասիրության արդյունքում ներկայացրել է եզրակացություն, որով Կենտրոնը հայտնել է, որ «Կոպի Սերվիս» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու հիմքեր առկա չեն:

8. ՀՀ ֆինանսների նախարարությունը, ղեկավարվելով Կարգի 124-րդ կետով, 20.04.2017թ. թիվ 03/73-1/6957-17 գրությամբ հանձնարարել է Կենտրոնին նախաձեռնել «Կոպի սերվիս» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու պաշտոնական ընթացակարգով նախաձեռնել բողոքարկման գործընթաց:

5. Խորհրդի հիմնավորումները և եզրահանգումը

«Գնումների մասին» ՀՀ օրենքի (այսուհետ՝ Օրենք) 5-րդ հոդվածի 1-ին մասի 4-րդ կետի «ա» ենթակետի համաձայն՝ մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե հայտը ներկայացնելու պահին նախորդող տարվա ընթացքում ավելի քան մեկ անգամ խախտել է պայմանագրով նախատեսված կամ գնման գործընթացի շրջանակում ստանձնած պարտավորություն, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը:

Օրենքի 5-րդ հոդվածի 1-ին մասի 4-րդ կետի «բ» ենթակետի համաձայն՝ մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների

ցուցակում, եթե հայտը ներկայացնելու պահին նախորդող տարվա ընթացքում գնման գործընթացի շրջանակում ներկայացրել է կեղծ տվյալ:

Օրենքի 31-րդ հոդվածի 5-րդ մասի 1-ին կետի համաձայն՝ առաջին և հաջորդաբար տեղերը զբաղեցրած մասնակիցներին որոշելուց հետո՝ հրավերով սահմանված ժամկետում՝ առաջին տեղը զբաղեցրած մասնակիցը հանձնաժողովին է ներկայացնում իր՝ գնումներին մասնակցելու իրավունքը և հրավերով նախատեսված որակավորման չափանիշներին համապատասխանությունը հիմնավորող՝ հրավերով նախատեսված փաստաթղթերը (տեղեկությունները):

ՀՀ կառավարության 10.02.2015թ. N 168-Ն որոշմամբ հաստատված «Գնումների գործընթացի կազմակերպման» կարգի (այսուհետ նաև՝ Կարգ) 47-րդ կետի 2-րդ ենթակետի համաձայն՝ հայտերի բացման նիստի ավարտին հաջորդող աշխատանքային օրը հանձնաժողովի քարտուղարն էլեկտրոնային եղանակով ծանուցում է առաջին տեղը զբաղեցրած մասնակցին՝ առաջարկելով երեք աշխատանքային օրվա ընթացքում ներկայացնել որակավորման չափանիշները հիմնավորող՝ հրավերով նախատեսված փաստաթղթերը, իսկ ապրանքների գնման դեպքում նաև նույն կարգի 35-րդ կետի 1-ին ենթակետի «զ» պարբերությամբ նախատեսված փաստաթուղթը: Նույն մասով սահմանված ժամկետում փաստաթղթերը չներկայացվելու դեպքում հանձնաժողովը մերժում է առաջին տեղը զբաղեցրած մասնակցի հայտը և փաստաթղթեր ներկայացնելու պահանջ է ներկայացնում հաջորդող տեղը զբաղեցրած մասնակցին:

«Կոպի Սերվիս» ՍՊԸ-ն՝ ՀՀ պաշտպանության նախարարության (այսուհետ նաև՝ Պատվիրատու) կարիքների համար կազմակերպված «ԳԱԿ-ՇՀԱՊՁԲ-15/8-ՀՀՊՆՆՏԱԴ-ՇՀԱՊՁԲ-8/7» (պատճենահանման սարքավորումներ, օժանդակ նյութեր և պարագաներ) ծածկագրով շրջանակային համաձայնագրերի միջոցով գնման ընթացակարգին 20.10.2016թ. հայտ է ներկայացրել և գնահատող հանձնաժողովի կողմից ընթացակարգի 13-րդ չափաբաժնի մասով ճանաչվել 1-ին տեղ զբաղեցնող մասնակից:

Պատվիրատուի կողմից «ԳԱԿ-ՇՀԱՊՁԲ-15/8-ՀՀՊՆՆՏԱԴ-ՇՀԱՊՁԲ-8/7» ծածկագրով ընթացակարգի 13-րդ չափաբաժնով սահմանվել է հետևյալ տեխնիկական բնութագիրը. «Տպիչ սարք, բազմաֆունկցիոնալ, /տպիչ,պատճեն,սկան/- լազերային, տպման արագությունը 18 էջ /րոպե, թղթի ձևաչափը A3/: Մեկամսյա ռեսուրսը մինչև 15000 էջ: Առաջին էջի ելքը 7,5 վ: Պատճենահանող մեքենան պետք է ունենա Smart drum unit (առազ

,օգտվողի ուժերով փոխարինվող թմբուկի հանգույց): Պատճենահանման լուծաչափը (խտությունը) 600*600 dpi: Պահանջվում է առվագն մեկ տարվա երաշխիքային ժամկետ»:

Ընկերությունը՝ Պատվիրատուի կողմից կազմակերպված «ԳԱԿ-ՇՀԱՊՁԲ-15/8-ՀՀՊՆՆՏԱԴ-ՇՀԱՊՁԲ-8/7» ծածկագրով շրջանակային համաձայնագրերի միջոցով գնում կատարելու ընթացակարգին (այսուհետ նաև՝ Ընթացակարգ) մասնակցելու նպատակով 20.10.2016թ. ներկայացրած հայտի N 4.1 հավելվածով՝ առաջարկվող ապրանքների հրավերով նախատեսված տեխնիկական բնութագրերին համապատասխանության մասին հայտարարությամբ, հայտնել և հավաստել է, որ իր կողմից ներկայացված հայտով առաջարկվող N 13 չափաբաժնում (չափաբաժիններում) նշված ապրանքի (ապրանքների) տեխնիկական բնութագիրը համապատասխանում է «ԳԱԿ-ՇՀԱՊՁԲ-15/8-ՀՀՊՆՆՏԱԴ-ՇՀԱՊՁԲ-8/7» ծածկագրով ընթացակարգի հրավերով նախատեսված ապրանքների տեխնիկական բնութագրերին:

«Կոպի Սերվիս» ՍՊԸ-ի կողմից N 13 չափաբաժնով առաջարկվել է հետևյալ տեխնիկական բնութագիրը՝ «Տպիչ սարք, բազմաֆունկցիոնալ, /տպիչ, պատճեն, սկան/ - լազերային, տպման արագությունը 18 էջ /րոպե, թղթի ձևաչափը A3/: Մեկամսյա ռեսուրսը 11000 էջ: ***Առաջին էջի ելքը մինչև 8վ:*** Smart drum unit (առագ ,օգտվողի ուժերով փոխարինվող թմբուկի հանգույց): Պատճենահանման լուծաչափը (խտությունը) 600*600 dpi: Մեկ տարվա երաշխիքային ժամկետ:

Վերոհիշյալ ծածկագրով ընթացակարգի գնահատող հանձնաժողովի 18.11.2016թ. նիստի N 5 արձանագրության 1.2 կետի համաձայն՝ «ԳԱԿ-ՇՀԱՊՁԲ-15/8-ՀՀՊՆՆՏԱԴ-ՇՀԱՊՁԲ-8/7» ծածկագրով շրջանակային համաձայնագրերով ընթացակարգի հրավերով պահանջվող որակավորման պահանջներին Ընկերության կողմից 13-րդ չափաբաժնի մասով առաջարկվող ապրանքի տեխնիկական բնութագրում առկա է անհամապատասխանություն, մասնավորապես՝ մասնակցի կողմից ներկայացված ապրանքի տեխնիկական բնութագրով առաջարկվել էր «Տպիչ սարք, բազմաֆունկցիոնալ, /տպիչ, պատճեն, սկան/» ապրանքատեսակի, որի տեխնիկական բնութագրերում նշված է ***«Առաջին էջի ելքը մինչև 8 վ», այնինչ հրավերով պահանջվում էր «Առաջին էջի ելքը 7,5 վ»:*** Հիմք ընդունելով ՀՀ կառավարության 10.02.2011թ. 168-Ն որոշմամբ հաստատված «Գնումների գործընթացի կազմակերպման» կարգի 51-րդ կետը՝ հանձնաժողովը որոշել է կասեցնել նիստը և մասնակցին առաջարկել շտկել վերը նշված անհամապատասխանությունը:

Ընկերությունը սահմանված ժամկետում ներկայացրել է նախկինում ներկայացված տեխնիկական բնութագիրը և արտադրող գործարանի գրությունը, որից հետո հանձնաժողովը՝ հիմք ընդունելով մասնագիտական եզրակացությունը, որոշել է մերժել մասնակցի հայտը՝ հրավերով նախատեսված տեխնիկական բնութագրին ոչ համարժեք լինելու հիմքով, մասնավորապես՝ տալիչ սարք, բազմաֆունկցիոնալ, /տալիչ, պատճեն, սկան/» ապրանքատեսակը, որի տեխնիկական բնութագրերում նշված է **«Առաջին էջի ելքը մինչև 8 վ», իսկ հրավերի տեխնիկական բնութագրով պահանջվել է «Առաջին էջի ելքը 7,5վ»:**

Ուսումնասիրելով Ընկերության կողմից առաջարկված տեխնիկական բնութագիրը՝ Խորհուրդն արձանագրում է, որ Ընկերության կողմից առաջարկվել է առաջին էջի ելքը **մինչև 8վ.**, իսկ հրավերի տեխնիկական բնութագրով պահանջվել է **առաջին էջի ելքը 7,5 վ.:** Այստեղից ուղղակիորեն բխում է, որ եթե Ընկերությունը առաջարկեր առաջին էջի ելքը հենց 8վ., այլ ոչ թե առաջին էջի մինչև 8վ., ապա այս դեպքում Պատվիրատուն իրավացիորեն կարող էր մերժել Ընկերության հայտը՝ ապրանքի տեխնիկական բնութագրին չհամապատասխանելու հիմքով:

Խորհուրդը գտնում է, որ Ընկերության կողմից առաջարկված «Առաջին էջի ելքը մինչև 8 վ» չի հակասում հրավերի «Առաջին էջի ելքը 7,5 վ»-ին, քանի որ Ընկերության կողմից առաջարկված մինչև 8 վ.-ը կարող է լինել, օրինակ՝ և 6 վ, և 7վ., և 7,5վ. և այլն:

Ելնելով վերոշարադրվածից՝ Խորհուրդը արձանագրում է, որ գնահատող հանձնաժողովը *հայտերի գնահատման փուլում* չպետք է մերժեր Ընկերության հայտը՝ առաջարկված ապրանքը հրավերով նախատեսված տեխնիկական բնութագրին չհամապատասխանելու հիմքով, այլ Ընկերության կողմից ապրանքը մատակարարելուց հետո միայն, ղեկավարվելով Կարգի 96-րդ կետի պահանջներով, ՀՀ պաշտպանության նախարարությունը կարող էր հիմնավոր գնահատել և համեմատելով պայմանագրով սահմանված տեխնիկական բնութագրի հետ՝ ընդունել կամ չընդունել Ընկերության կողմից մատակարարված ապրանքը:

Խորհուրդը գտնում է, որ նման խախտման հանգամանքների պայմաններում «ԳԱԿ-ՇՀԱՊՁԲ-15/8-ՀՀՊՆՆՏԱԴ-ՇՀԱՊՁԲ-8/7» ծածկագրով շրջանակային համաձայնագրերով ընթացակարգի հրավերով պահանջվող որակավորման պահանջներին՝ Ընկերության կողմից 13-րդ չափաբաժնի մասով 20.10.2016թ. ներկայացրած հայտի N 4.1 հավելվածը՝ չի հանդիսանում Օրենքի 5-րդ հոդվածի 1-ին մասի 4-րդ կետի խախտում:

Ելնելով վերոգրյալից և ղեկավարվելով «Գնումների մասին» ՀՀ օրենքի 48-րդ հոդվածով՝ ՀՀ գնումների բողոքարկման խորհուրդը

Ո Ր Ո Շ Ե Ց


ՀՀ ֆինանսների նախարարության 20.04.2017թ. թիվ 03/73-1/6957-17 գրությամբ ներկայացված «Կոպի սերվիս» ՍՊԸ-ին (ՀՎՀՀ՝ 00036786) գնումների գործընթացին մասնակցելու իրավունք չունեցող մասնակիցների ցուցակում ընդգրկելու պաշտոնական ընթացակարգով նախաձեռնած բողոքը մերժել և «Կոպի սերվիս» ՍՊԸ-ին չներառել գնումների գործընթացին մասնակցելու իրավունք չունեցող մասնակիցների ցուցակում:

ՀՀ գնումների բողոքարկման խորհրդի որոշումն իրավապարտադիր է:

ՀՀ գնումների բողոքարկման խորհրդի կայացրած որոշումը կարող է բողոքարկվել դատական կարգով:


Բողոքը քննող հանձնաժողով՝

Նախագահ՝



Գևորգ Հայրապետյան

անդամ՝



Հայկ Կոչեցյան